



A V I S O

Acta da reunión celebrada o día 27 de febreiro de 2017, na que se decide, rectificar e ampliar o artigo 22 das Normas Xerais e Regulamento desta tempada 2016–2017.

Quedando dito artigo da seguinte forma:

22 SANCIÓN S POR NON PRESENTACIÓN

Cando transcorridos os 5 minutos de cortesía, dende a hora prefixada para o comezo do encontro, un ou os dous equipos non estea/n presente/s no terreo de xogo co número suficiente de xogadores, será/n sancionado/s polo apartado que lle corresponda deste artigo

1) Cando un equipo non se presenta, ou se presente por **primeira** vez con **menos de catro xogadores en Baloncesto** ou **Fútbol Sala** ou **menos de cinco xogadores en Fútbol 7** **será sancionado con:** perda do encontro polo resultado que especifique o regulamento do deporte correspondente, perda da **metade** da **fianza** e **desconto de 6 puntos na clasificación xeral se restan máis de catro xornadas** para o remate da tempada..

No caso de que ambos equipos non se presenten ou se presenten co número de xogadores indicado neste apartado, o resultado final do encontro será de **0-0**. Ademáis sancionárase a cada un dos equipos coa **perda da metade da fianza** e **desconto de 7 puntos** na clasificación xeral.

Cando un equipo non se presente **por segunda vez**, será **expulsado da competición**.

2) Se esta infracción se comete nunha competición a unha única volta, o equipo será **expulsado da competición**. No caso de que esta infracción se cometa na competición de copa, o equipo quedará eliminado da mesma e será sancionado coa **perda da metade da fianza**

3) Cando un equipo se presente por **primeira** vez con **catro** xogadores en **Baloncesto** e **Fútbol Sala** ou con cinco **xogadores** en **Fútbol 7**, será sancionado coa perda do encontro polo resultado que especifique o regulamento do deporte correspondente.

No caso de que ambos equipos se presenten co número de xogadores indicado neste apartado, o resultado final do encontro será de **0-0**, descontadolles **1 punto** na clasificación a ca un deles.

Cando un equipo se presente **por segunda vez** co número de xogadores indicado neste apartado, será sancionado coa perda do encontro polo resultado que especifique o regulamento do deporte correspondente, coa **perda da metade da fianza e co desconto de 6 puntos da clasificación xeral**.

Cando este feito lle ocorra **por terceira vez** a un mesmo equipo, será **expulsado da competición**

4) Cando só restan **catro ou menos xornadas**, no caso de que un equipo no presente o mínimo de xogadores para comezar o encontro o equipo será sancionado coa perda do encontro polo resultado que especifique o regulamento do deporte correspondente, **perda da metade da fianza e desconto de 15 puntos da clasificación xeral**.

No caso de que ambos equipos se presenten co número insuficiente de xogadores para comezar o encontro, o resultado final do encontro será de **0-0**. Ademais sancionarase a cada un dos equipos coa **perda da metade da fianza e desconto de 15 puntos** na clasificación xeral.

Cando este feito lle ocorra **por segunda vez** a un mesmo equipo, será **expulsado da competición**.

5) Por non querer comezar o encontro ou retirarse do terreo de xogo sen unha causa de forza maior debidamente xustificada aplicaranse as seguintes sancións: perda do encontro polo resultado que especifique o regulamento do deporte correspondente, perda da **totalidade da fianza**, desconto de **10 puntos** na clasificación xeral e suspensión para o delegado no encontro dende un mínimo de **oito** encontros ata **expulsión de unha a dúas** tempadas.

6) Por, unha vez finalizado o descanso, non ter presentado as licenzas ou outro documento orixinal (DNI, pasaporte ou carné de conducir) que permita acreditar a identidade dos participantes aplicaranse as seguintes sancións: perda do encontro polo resultado que especifique o regulamento do deporte correspondente, perda da **totalidade da fianza**, desconto de **12 puntos** na clasificación xeral e sanción para o delegado no encontro segundo o **artigo 13, apartado 5)**. No caso de reiteración, o equipo será **expulsado da competición**.

O Comité de Competición está facultado para resolver en caso excepcionais casos de non presentación, sempre que fose por unha causa de forza maior debidamente xustificada, procedendo da seguinte maneira: reprogramación do encontro ou perda do mesmo.

Estas modificacións das Normas Xerais e Regulamento é válida a todos os efectos de acordo co artigo **40 DISPOSICIÓN DERRADEIRA** das Normas Xerais e Regulamento desta Tempada 2016 -2017. Os Comités de Competición e Apelación exercerán ditos cambios a partir de seguinte xornada.

A ORGANIZACIÓN